

## Tutu ña uvi ña ni ke'i San Pablo kua'an nda'a' Timoteo

### *Ti'vi' ra cha'an' ra*

<sup>1</sup> Yu'u nduu' Pablo, te Jesucristo ni tjanu' yu'u te sania'a' i ichi' a saa kuni Ndiosí, te ka'an ndoso' i xa'a' kuento ña ni ndoo Ndiosí xiin' e', ña taxi' a kivi' ñuu e' xa'a' a ña ini e' xini e' Cristo Jesús.

<sup>2</sup> Ti'vi' i cha'an' un', Timoteo, te nduu' un' ndee naa si'e i xa'a' a ña ini inga' e' xini e' Jesús. Na sañu'u' na Ndiosí, yuva' e', xiin' xto'o e' Jesucristo, yo'ó, te na kuvita ini a xa'a' un', te na taxi tu a ña maní' koo xiin' un'.

### *Xandieni Pablo Timoteo*

<sup>3</sup> Sakuu' ichi' kij' ka'an i xiin' Ndiosí, jin ke'in' nduu' a, uun ñuu nduu' a ndii, naka'an' i xa'a' un', te taxi' i ña chindani Ndiosí, ña xika' nuu' i nuu' xiin' nimá ndoo, saa ni xaa ne xii' yata' i.

<sup>4</sup> Kij' naka'an' i ña ni xitja tikui nuu' un' kij' ni ndei' ta'an' e' ndii, kuni kuni i yo'ó, te va'a ndi' i kuni nimá i.

<sup>5</sup> Naka'an' tu i ña ini xna'a un' xini un' Jesús naa ni xaa xi'na xtaan' un' Loida xiin' si'i' un' Eunice. Xini kaxi' i ña ini tu yo'ó naa ne jaan'.

<sup>6</sup> Xa'a' a jaan' na sanaka'an' i yo'ó ña taxí un' nda'va ña chuun va ña ni taxí Ndiosí nuu' un' kij' ni chindu'u' i nda'a' i xini' un'.

<sup>7</sup> Kuachí ndii ni taxí Ndiosí jin espíritu ña iyo nuu' e', süu' jaan' ndii Espíritu mii' a ni taxí a nuu' e', te taxi' ña jaan' ña ndiee' e', te taxi' tu a

ñā ndanī e' ne yivi', xiin' ñā ndiko' ni'i' xiin' mji' e'.

<sup>8</sup> Sakan' na kuii' kũchani un' te ndiee yu'u' un' xa'a' xto'o e', ni ndee xa'a' yu'u' ñā naá i vi' e kaa xa'a' a ñā ndiee' yu'u' i xa'a' a. Süu' jaan' ndii kundieni un' nuu' tundo'o' ñā ndo'o' un' xa'a' tu'un va'a xiin' ñā ndiee' Ndiosí naa xaa' yu'u'.

<sup>9</sup> Kuachī ndii ni sakakú Ndiosí yoo' nuu' kuachī e', te ni kana a yoo' te kunduu e' kuenta a. Te süu' xa'a' ñā va'a ñā ni xaa e' na ni xaa a sakan' xa'a' e'. Süu' jaan' ndii ndee kij' tia'an koo iin yivi' ndii, ni chituní Ndiosí kuento ñā kundani mji' a yoo' xa'a' ñā saa Cristo Jesús.

<sup>10</sup> Te vitin ndii, xa ni satuví Ndiosí ñā ni chituní a jaan' ñā ni kixin Cristo Jesús, ñā ni sakakú yoo' nuu' kuachī e', te ñā jaan' ni sandoñu'u' ndiee' ñā xa'ni' yoo'. Te xiin' tu'un va'a ni satuví kaxi' a nuu' e' ñā kuvī natiin e' kivi' ñuu ñā koo' kivi' ndi'i'.

<sup>11</sup> Te xa'a' tu'un va'a jaan' ndiso' chuun' i ñā nduu' i te ka'án ndoso' a, te nduu' tu i te ni tianu' Cristo sania'á tu'un jaan' nuu' ne tuku', te nduu' tu i maestro xa'a' ñā jaan'.

<sup>12</sup> Xa'a' a jaan' na ndo'o' i yo'o' vitin. Ndisu kũchani i, sakan' ñā xiní i yoo nduu' ñā iní i xini i, te iní xna'a i ñā kumi' ñā jaan' ñā ndiee', te koto va'a a ndee kivi' so'o' ndi'i' chuun ñā ni xaa i, ñā ni sanakua'a i nda'a' a.

<sup>13</sup> Taxa'a un' ñā ni sania'á i yo'ó, te iní un' xini un' Cristo Jesús, te ndani un' ne yivi' xaa' a.

<sup>14</sup> Te xiin' ndiee' Espíritu Santo, ñā naá nimá un', koto va un' tu'un va'a ñā ni sania'á i yo'ó.

<sup>15</sup> Xa xiní un' ñā ni nakoo sakuu' ne ni kiee

ñu'u' Asia yu'u, te ni nakoo tu Figelo xiin' Hermógenes yu'u.

<sup>16</sup> Na kuvita iní xto'o e' Jesús xa'a' ne vi'e Onesíforo, sakan' ña ki'in' ichi' ni xandjeni ra yu'u, te ni kuchani ra xa'a' a ña naá i vi'e kaa.

<sup>17</sup> Süu' jaan' ndii xaa so'o ra ñuu Roma yo'o', te ni xa'a' nanduku' ndi'ni ra yu'u ndee ni xan kunj ra mii' naá i.

<sup>18</sup> Na kuvita iní xto'o e' Jesús xa'a' Onesíforo jaan' kivi' so'o ndi'i'. Xiní kaxi' un' ña ni chindjee' va ra yoo' ñuu Éfeso.

## 2

*Kuní a kuita ni'i e' nuu' ichi' Jesús tee' ndee yoo tundo'o' kivi' ñuu e'*

<sup>1</sup> Te yo'ó, yuva' i, kuin ni'i un' nuu' ña xamaní' Ndiosí yoo' xa'a' a ña nduu' e' kuenta Cristo Jesús.

<sup>2</sup> Ña ni xini so'o un' ni ka'an i nuu' kua'a' ne yivi' ndii, ña jaan' kuni a tiachuun' un' te xika' ndaku ichi' xto'o e', te tuu un' ña yoo tu'va xna'a ra te sania'á ra ña jaan' nuu' tuku ne yivi'.

<sup>3</sup> Na kundo'o inga' e' nuu' ichi' Jesucristo xa'a' a ña nduu' e' ndee naa te xiin' va'a xa'a' a.

<sup>4</sup> Te ndee jin te xiin', te kuni ndoo va'a nuu' te tiachuun' ña'a' ndii, ndi'ni ra saa ra naa xaa' ne yivi' nda'vi so'o.

<sup>5</sup> Te sakan' tu te katj ta'an' ndii, küvi natjin ra corona ña xata'an natjin ra naa' katj ta'an' va'a ra saa ka'an tu'un ndei' xa'a' ña xasiki' jaan'.

<sup>6</sup> Te sakan' ni tu jin te xachuun' u'vi xa'a' ku'u ndii, xi'na ra xata'an kaxi' ña savi' va'a ka kii' nakuixa a.

<sup>7</sup> Kanjini un' xa'a' ña ka'án i jaan', te mji' xto'o e' chindiee' yo'ó te kundani kaxi' un' sakuu' a.

<sup>8</sup> Te naka'an' un' xa'a' Jesucristo, ña ni natjaku, ña nduu' sjani' xika' David. Te tu'un va'a xa'a' ña jaan' ka'án ndoso' i.

<sup>9</sup> Te xa'a' ña jaan' sando'o' te yivi' yu'u, te tiin i xiin' karena naá i vi'e kaa yo'o' ndee naa jin te xaa' ña nj'a. Ndisu tu'un Ndiosí ndii, kuasa' tiin a xiin' karena.

<sup>10</sup> Xa'a' a jaan' na kundieni i saa ka ndo'o' i xa'a' ne ni nakaxin Ndiosí, te kuvj natjin tu ne jaan' ña sakakú ña'a' a xa'a' ña ni xaa Cristo Jesús, sakan' te kundiee nj'a ndee ndi'i' ni kivi' mii' ndatun' kaa'.

<sup>11</sup> Te ña ka'an i yo'o' ndii, ña ndaku nduu' a: Naa' ni xi'i inga' e' xiin' Cristo ndii, kutjaku inga' tu e' xiin' a.

<sup>12</sup> Naa' ni kundieni e' nuu' tundo'o' xa'a' a ndii, ka'ndja chuun' inga' tu e' xiin' a.

Ndisu naa' ka'an e' ña xini ña'a' e' ndii, ka'an tu a jaan' nuu' Ndiosí ña xini a yoo'.

<sup>13</sup> Naa' xachuun' ndaku e' nuu' a ndii, kua'an naa kua'an ña jaan' xachuun' ndaku a xa'a' e'.

Kuachj ndii kuvj xachi' nama a saa kuu' a.

*Kuni a kunduu e' te xachuun' va'a, te va'a kuni Ndiosí xini a*

<sup>14</sup> Te sanaka'an' un' ne ini xini Jesús ña ni ka'an i jaan'. Te sakuni' ndiee' un' ne jaan' ña nuu' Ndiosí ka'án i ña va'a kani' ta'an' nj'a kuento xa'a' ña kuasa' kuni. Sakan' ña sativi' ndi'i' ña'a' ña jaan' ki' xini so'o' nj'a a.

15 Nakundjee' un' te kunduu un' iin te va'a kuni Ndiosí xini a ndee naa iin te xachuun' va'a, te koo' ndee iin xa'a' ña kuchani ra nuu' Ndiosí, te sanakuachi' ndaku ra tu'un ndixa xa'a' a.

16 Chi'ni' xiin' mji' un' xiin' te ndatu'un' kuento ña sanduxín xiin' ña kuäsa' kuni, sakan' ña te xaa' ña jaan' ndii, so'o saxioo' ka ra ne yivi' nuu' ña kuni Ndiosí.

17 Te ña sania'á ra ndii, kiku' a ndee naa xaa' kui'e te'i, ña kiku' kanii' iin' e'. Te tein te jaan' ka'ni te nduu' Himeneo xiin' Fileto.

18 Te jaan' ndii, ni kuxioo ra nuu' tu'un ndixa, te xika' ra ka'an ra ña xa ni xka'ndia ña sanatiaku Ndiosí ne ni xi'i, te sasana' ra ña ini sava ne yivi' xini nia Jesús.

19 Ndisu ña ndixa xa'a' Ndiosí ndii, nduu' a ndee naa xa'a' vi'e ña iin kutu' mii' yoso' ña ka'an a ndii: "Xini xto'o e' ne nduu' kuenta a." Te yoso' tu a ndii: "Yoo ka nakuni ña Ndiosí nduu' xto'o nia ndii, kuni a kuxioo nia nuu' ña nia'a." Sakan' yoso' a.

20 Te tixin iin vi'e chie ndii, yoo kua'a' nuu' ndachuun' ña tiin' ne yivi'. Yoo ña ni kua'a' xiin' oro, te yoo tu ña ni kua'a' xiin' plata, te yoo ni tu ña ni kua'a' xiin' ñu'u' kixin', te sakan' tu yoo ña ni kua'a' xiin' itun'. Te i'in ña jaan' ndii, xa yoo xa yoo chuun nuu' a. Sava a yoo xa'a' chuun ka'nu', te sava tuku a yoo xa'a' chuun kuali' kuso'o.

21 Ndee naa ndachuun', ña yoo xa'a' chuun ka'nu' jaan', nduu' ne kuxioo' nuu' ña nia'a jaan'. Te nduu' nia nditia xto'o e', te chuun va nia nuu' a, te yoo tu'va nia xa'a' ndee ka chuun va'a.

22 Kunu un' nuu' kuachi ña xtani ne sava xaa' nia, te kundikun un' ña xachuun' ndaku un',

xiin' ña in̄i un' xini un' Jesús, xiin' ña ndani un' ne yivi', xiin' ña yoo un' ña man̄i' xiin' ne yivi'. Saa inga' un' ña jaan' xiin' ne nakuni xiin' nimá ndoo ña Jesús nduu' xto'o ña.

<sup>23</sup> Ch̄i'ni xiin' m̄i' un' xiin' ne kani' ta'an' kuento xa'a' ña kuasa' kuní, xiin' xa'a' ña küu' kaxi' ña, sakan' ña xa' xini kaxi' un' ña ña jaan' sandutía tu'un kui'e.

<sup>24</sup> Te iin' te xika' nuu' nuu' xto'o e' ndii, kuní a kan̄i ta'an' ra kuento xiin' ne yivi', süu' jaan' ndii kuní a kunduu' ra iin' te vita nimá xiin' sakuu' ne yivi', te ko'o tu'va tu' ra te sania'a' ña'a' ra, te kuie kuu' tu' in̄i ra xiin' ña.

<sup>25</sup> Te sakan' tu' kuní a ña kondia yu'u' maso ra, te nakuitá kuento xiin' ña ndixa, tee' kuain' tax̄i na Ndiosí ña nama' te jaan' nimá ra, te sakuni' ña'a' a ña ndixa jaan'.

<sup>26</sup> Sakan' te ndoto nuu' ra, te ndie'ni ra nda'a' ña ndiva'a, ña ni saviku'un' ña'a' te xaa' ra ña kuní m̄i' a.

### 3

#### *Koo kua'a' tundo'o' iin' yivi' kivi' so'o' ndi'i*

<sup>1</sup> Te vitin' ndii, kuní i ña kundani un' ña kivi' so'o' ndi'i' ndii, ko'o kua'a' tundo'o' iin' yivi'.

<sup>2</sup> Kuach̄i' ndii ko'o kua'a' va' ne ndani xiin' m̄i' kuiti', te ko'o kua'a' ne ndioo' in̄i va' xa'a' xu'un', te ko'o kua'a' ne ka'an' ñuñu', te ko'o kua'a' ne ñuñu', te ko'o kua'a' ne kan̄ia'a' xa'a' Ndiosí xiin' xa'a' ne yivi', te ko'o kua'a' ne so'o' nuu' yuva' si'i', te ko'o kua'a' ne tax̄i' ña ch̄indani, te ko'o kua'a' ne xito' ka'nu' Ndiosí,

<sup>3</sup> te ko'o kua'a' ne ndani ndee' sie, te ko'o kua'a' ne ko'o' ka'nu' xachi' in̄i, te ko'o kua'a' ne kan̄ia'a'

xa'a' ne yivi', te koo kua'a' ne ndiko' ni'i' xiin' mji', te koo kua'a' ne tei' ini, te koo kua'a' ne ndasi' sakuu' nuu' ña va'a,

<sup>4</sup> te koo kua'a' ne siki', te koo kua'a' ne yachi va kuu', ndisu xanini ña ña xka'ndia naá kivi' xa'a' ña xaa' ña, te koo kua'a' ne ñuñu' ya'a, te koo kua'a' ne xtani ya'a ka ña sii' te sakan' ña xtani ña ña kuni Ndiosí.

<sup>5</sup> Te ne jaan' ndii, kuu ña ndee naa ne xito' ka'nu' xna'a Ndiosí, ndisu kuni ña nama Ndiosí kivi' ñuu ña xiin' ña ndiee' a. Te ki'in' ta'an' un' xiin' ne jaan'.

<sup>6</sup> Sakan' ña naa ne jaan' nduu' ne chuun va te xika' ndi'e' ña vi'e ne yivi', te saviku'un ña ña'a', ne itia' ña ini nuu' ichi' Jesús, ne ndiso' kua'a' kuachi, te xa'a' a jaan' na xiko ni'i' ña'a' sakuu' nuu' ña ndioo' ini ña.

<sup>7</sup> Te ne jaan' ndii, sakuaan te sakuaan ña, ndisu koo' kivi' xaá ña kundani ña ña ndixa xa'a' Ndiosí.

<sup>8</sup> Te kuu' ña ndee naa ni kuu Janes xiin' Jambres kij' ni xikuíta'nu ra nuu' Moisés xta'an' kivi', nii' sakan' xikuita'nú ña nuu' ña ndixa jaan'. Sakan' ña xa ni nduxin xachi' ña xanini ña, te koo' chuun tu ña nuu' ña ini e' xini e' Jesús.

<sup>9</sup> Ndisu nakaá kua'a' ña xiin' ña xini xa'an' jaan', sakan' ña sakuu' ne yivi' kuni ña ne küu' kaxi' nduu' ña naa ni ndo'o te uvi ta'an jaan'.

### *Sakuiso' chuun' Pablo Timoteo*

<sup>10</sup> Ndisu yo'ó ndii, xini kaxi' un' ña sania'á i, te xini tu un' saa xika' i, te xini tu un' ndee ña kuni saa i xiin' kivi' ñuu i, te xini tu un' saa vi' ini i

xini xto' o e', te xini tu un' saa kuie kuu' ini i xiin' ne yivi', te xini tu un' saa kundani i Ndiosí xiin' ne yivi', te xini tu un' saa vi' kundieni i nuu' ichi' Jesús,

11 te xini tu un' saa vi' mii' ni kuu te yivi' xiin' i, te xini tu un' saa vi' ni ndo'o i. Te xini tu un' saa ni ndo'o u'vi i kii' ni xika i nuu Antioquia, xiin' nuu Iconio, xiin' nuu Listra, xiin' kua'a' na mii' ni kuu te yivi' xiin' i. Ndisu ni sakaku xto'o e' yu'u nuu' sakuu' na jaan'.

12 Te sakuu' yoo', ne kuni saa na kuni Ndiosí, xa'a' a na nduu' e' ne ini xini Jesús ndii, sando'o' ne yivi' yoo'.

13 Te nia'a, te xini xa'an' jaan' ndii, i'in kivi' kua'an so'o tivi' ka ra nuu' na nia'a jaan'. Xini xa'an' ra ne yivi', te xini xa'an' ta'an' tu mii' ra.

14 Ndisu yo'ó ndii, kujin ni i un' nuu' na ni sakuaan un', sakan' na xini kaxi' un' na na ndixa nduu' a, te xini tu un' yoo ni sania'a a yo'ó.

15 Te ndee kij' lulu un' te xa xini un' na yoso' nuu' tutu Ndiosí. Te na jaan' ndii, kumi' a ndiee' te sania'a a yo'ó, te kuni un' na kivi' kaku e' nuu' kuachi e' xa'a' a na ini e' xini e' Cristo Jesús.

16 Te sakuu' na yoso' nuu' tutu Ndiosí ndii, mii' a ni saka'an nimá te yivi', te ni ke'i ra a. Xa'a' a jaan' na na yoso' jaan' ndii, va'a a sania'a e' ne yivi', te va'a a saki'in' ndei' e' ne yivi', te va'a a nakata ndaku e' ne yivi', te va'a a sania'a na'a e' te sachuun' ndaku na saa kuni Ndiosí.

17 Sakan' te koo tu va' yoo' te xaa' chuun nuu' Ndiosí, te kivi' saa e' sakuu' nuu' chuun va'a.



## 4

*Ka'an ndoso' e' tu'un va'a*

<sup>1</sup> Nu'u' Ndiosí xiin' nuu' Jesucristo, ña kixin sana'má ne tiaku xiin' ne ni xi'i kii' nandiko' a te ka'ndia chuun' a ndii, sakuiso' chuun' i yo'ó

<sup>2</sup> ña vikuijn un' ña ka'an ndoso' un' tu'un va'a. Ka'an un' un ama'a ka, naa' kivi' va'a nduu' a, uun naa' süvi a. Te xiin' ña jaan' nakata ndaku un' ne yivi', te saki'in' ndei' tu ña'a' un', te sandieni tu un' nia xiin' ña kuie ini un' kii' sania'a' un' ña jaan'.

<sup>3</sup> Sakan' ña xaa kivi' ña natiin ne yivi' ña ndixa ña sania'a' e' xa'a' Jesús, süu' jaan' ndii kuni nia kuni so'o nia ña xikan nimá mii' nia. Sakan' na nduku' nia moto vi' maestro, te sania'a' ña'a' ña nakuitá xiin' ña xtanj mii' nia.

<sup>4</sup> Nakoo nia ña ndixa jaan' xata' nia, te kuni so'o nia kuento yu'u' te yivi' kuiti'.

<sup>5</sup> Ndisu yo'ó ndii, koo ñu'u' ini va un' sakuu' ichi', te kundieni un' nuu' tundo'o', te xanu'u' tu'un va'a tio' ka'an ndoso' un' nuu' ne yivi', ne tia'an ini kuni Jesús, te saxinú ndi'i tu un' sakuu' chuun ña ni taxj Ndiosí nda'a' un' naa xaa iin te xika' nuu va'a.

<sup>6</sup> Sakan' ña yu'u ndii, xa yoo i kuvj i te kunduu a ndee naa iin tumanj' nuu' Ndiosí, sakan' ña xa ni xaa kivi' ña keta i iin yivi' yo'o'.

<sup>7</sup> Ni kunta'an' va'a i xiin' ña nia'a, te xa ni saxinú i chuun ña ni taxj xto'o e' nda'a' i, te koo' kivi' ni nakoo i ña ndixa ña kandixa' e'.

<sup>8</sup> Te vitin ndii, ndee ndiatu' ini i natiin i iin corona kivi' so'o' ndi'i', ña xata'an natiin ne xachuun' ndaku nda'a' xto'o e', ña nduu' ña xa'nú ndaku kuachi. Te süu' nda'a' yu'u kuiti'

taxi ña'a' a, süu' jaan' ndii taxi tu ña'a' a nda'a' sakuu' ne ndiatu' xiin' iin kanii' nimá nia ña nandiko' a.

*Xikán Pablo ña va'a nuu' Timoteo*

<sup>9</sup> Saá un' sakuu' ña nduxa', te kixin koto yachi un' yu'u,

<sup>10</sup> Sakan' ña xa ni naqoo Demas yu'u, te kua'an ra ñuu Tesalónica xa'a' a ña ni xtaní va ra ña nduu' kuenta iin yivi'. Te xa kua'an tu Crescente ñu'u' Galacia. Te Tito kua'an ñu'u' Dalmacia.

<sup>11</sup> Te ndee iin ndaa' so'o Lucas ndu'u' xiin' i. Naka tu un' Marcos, te kixin ra xiin' un', kuachi ndii kuví chindíee' ra yu'u xiin' chuun nuu' i.

<sup>12</sup> Tíquico ndii, ñuu Éfeso ni ti'vi' ña'a' i.

<sup>13</sup> Kii' kixin un' ndii, koni' i un' toto nani' ni'nu' i ña ni naqoo i ñuu Troas mii' ndu'u' Carpo. Te koni' i tu un' tutu i, ndisu naka'an' ka un' xa'a' tutu iin' ña ni naqoo i ikan'.

<sup>14</sup> Alejandro, te xachuun' xiin' kaá ndii, mii' va ni kuví ra xiin' i. Ndisu nacha'vi mii' ra nuu' xto'o e' xa'a' ña ni xaá ra jaan'.

<sup>15</sup> Koto xiin' mii' tu yo'ó nuu' te jaan', sakan' ña ni xikuíta'nu ndíee' va ra nuu' tu'un va'a ña sania'á e'.

<sup>16</sup> Kii' ni naka'an i xa'a' i nuu' te romano ña nuu' ndii, ndee iin koo' ni naka'an xa'a' i, süu' jaan' ndii ni naqoo sakuu' ra yu'u. Te ndiatu' ini i ña saá Ndiosí kuenta xa'a' ña ni xaá te jaan' xiin' i.

<sup>17</sup> Ndisu xto'o e' ndii, yoo a xiin' i, te chindíee' a yu'u, sakan' te ni taxi a ña ndíee' i te kuví ka'an ndoso' ndi' i i tu'un va'a, te sakan' ni xini so'o

ñá'a' sákuu' ne tuku' yo'o'. Te ni sáakakú a yu'u nuu' león.

<sup>18</sup> Te sáakakú xtó'ó e' yu'u nuu' sákuu' ña ñia'a, te kundjaka va'a a yu'u ndeé ndivi' mii' xa'ndia chuun' a. Te na natijn Ndiosí sákuu' ña xaka'nu' ña'a' e' ndeé ndi'i' ni kiví'. Sakan' na kunduu a.

*Ña ndeji' Pablo so'ó' ndi'i'*

<sup>19</sup> Kua'an Ndiosí koó Priscila xiin' Aquila, xiin' ne vi'e Onesíforo.

<sup>20</sup> Erasto ndii, ñuu Corinto ni ndoo ra, te ñuu Mileto ni nakoo i Trófimo, sakan' ña kuni kuví ra.

<sup>21</sup> Saa un' sákuu' ña nduxa', te kixin un' ña kuni ka xaa yoo' ña vixin. Ti'vi' Eubulo xiin' Pudente xiin' Lino xiin' Claudia cha'an' un'. Te ti'vi' tu sákuu' inga ñani ta'an' e' cha'an' un'.

<sup>22</sup> Te na koó na xtó'ó e' Jesucristo xiin' nimá un'. Na sañu'u' na Ndiosí sákuu' ndo'ó. Sakan' na kunduu a.

**El Nuevo Testamento en el Mixteco de  
Ayutla**  
**Mixtec, Ayutla: El Nuevo Testamento en el Mixteco  
de Ayutla New Testament**

copyright © 2016 Wycliffe Bible Translators, Inc.

Language: Ayutla Mixtec

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 18 Apr 2025 from source  
files dated 29 Jan 2022

7e4f3497-fb83-5234-ac91-e00e1d534904